



## ახალციხის მუნიციპალიტეტის საკრებულოს

### დადგენილება №10

2021 წლის 29 აპრილი  
ქალაქი ახალციხე

**„ახალციხის მუნიციპალიტეტის მერიის განათლების, კულტურისა და სპორტის სამსახურის დებულების დამტკიცების შესახებ“ ახალციხის მუნიციპალიტეტის საკრებულოს 2018 წლის 31 იანვრის №16 დადგენილებაში ცვლილების შეტანის თაობაზე**

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტისა შესაბამისად, ახალციხის მუნიციპალიტეტის საკრებულო ადგენს,

#### **მუხლი 1.**

შევიდეს ცვლილება „ახალციხის მუნიციპალიტეტის მერიის განათლების, კულტურისა და სპორტის სამსახურის დებულების დამტკიცების შესახებ“ ახალციხის მუნიციპალიტეტის საკრებულოს 2018 წლის 31 იანვრის №16 დადგენილებაში (ვებგვერდი [www.matsne.gov.ge](http://www.matsne.gov.ge), 07/02/2018, სარეგისტრაციო კოდი: 010250050.35.138.016330) და დადგენილებით დამტკიცებული დანართის (დებულება):

1. პირველი მუხლის პირველი პუნქტი შეიცვალოს და ჩამოყალიბდეს შემდეგი რედაქციით:  
„1. ახალციხის მუნიციპალიტეტის მერიის განათლების, კულტურისა და სპორტის სამსახური (შემდგომში – სამსახური) არის მერიის პირველადი სტრუქტურული ერთეული, რომელიც უზრუნველყოფს განათლების, კულტურის, სპორტის და გენდერულ თანასწორობასთან დაკავშირებულ მუნიციპალური პროგრამების შემუშავებასა და განხორციელებას.“
2. მე-3 მუხლის პირველ პუნქტს დაემატოს შემდეგი შინაარსის „ე1“ ქვეპუნქტი:  
„ე1) გენდერული თანასწორობის განყოფილების მეორადი სტრუქტურული ერთეულის ხელმძღვანელი;“.
3. მე-3 მუხლის მე-2 პუნქტს დაემატოს შემდეგი შინაარსის „ე“ ქვეპუნქტი:  
„ე) გენდერული თანასწორობის განყოფილება.“
4. დებულებას დაემატოს შემდეგი შინაარსის მე-11<sup>1</sup> მუხლი:  
**„მუხლი 11<sup>1</sup>. გენდერული თანასწორობის განყოფილება.**

1. გენდერული თანასწორობის განყოფილების ფუნქციებია:

ა) ადგილობრივ დონეზე, გენდერის განვითარების ხელშეწყობის მიზნით წინადადებებისა და მუნიციპალური პროგრამების მომზადება;

ბ) არსებული მდგომარეობის გაუმჯობესების მიზნით, გენდერულ თანასწორობასთან დაკავშირებით პრობლემების შესწავლა და წინადადებათა შემუშავება;

გ) შესაბამისი პროგრამების შემუშავება და თანამშრომლობა სხვადასხვა საერთაშორისო თუ ადგილობრივ ორგანიზაციებთან;

დ) მოქალაქეთა სამოქალაქო ცნობადობის ამაღლება გენდერული თანასწორობის საკითხებთან მიმართებაში.

ე) უფლებამოსილების ფარგლებში, „გენდერული თანასწორობის შესახებ“ საქართველოს კანონით გათვალისწინებული უფლებამოსილების შესრულება.“

**მუხლი 2.**

დადგენილება ამოქმედდეს გამოქვეყნებისთანავე.

საკრებულოს თავმჯდომარე



გელა ნოზაძე